

সিডনীতে জানাজা কমিটি

কর্ণফুলী'র এককুসীভ সংবাদ

প্রবাসী বাংলাদেশীরা সিডনীতে এ পর্যন্ত বহু দল ও সংগঠন গঠন করেছেন। দলাদলি করে এক দলকে বহুদলে ভাগ করেছেন। দলের নামের শেষে ব্রাকেটের পর ব্রাকেট লাগিয়ে বহু রঙ্গ দেখিয়েছেন। সীম বা বরবাটী বীচির উপর ডক্টরেট করা ব্যক্তি অথবা পশু চিকিৎসকরা এ সুযোগে নামের আগে ডাক্তার, ডক্টর লাগিয়ে পরিচিতির ফায়দা লুটে নিয়েছেন বেশ। কেউ কেউ সেই পরিচিতি গলায় বুলিয়ে ছড়াকার, কলামিষ্ট এবং লেখকও বনে গেছেন সমাজে। তাদের এ রঙ্গ দেখে সাধারণ দেশপ্রেমী প্রবাসীরা নুতনভাবে কোন সংগঠন গঠন করার উৎসাহ হারিয়ে ফেলেছেন। আর তাই সিডনী'র কিছু স্বদেশপ্রেমী বাংলাদেশী সম্প্রতি একটি অভিনব দল গঠন করার উদ্যোগ নিয়েছেন বলে জানা গেছে। দলটির নাম এখন পর্যন্ত প্রস্তাবিত হয়েছে, 'বাংলাদেশ জানাজা কমিটি'। আরেক পক্ষ বাংলাদেশের নির্বাচিত ও উপেক্ষিত সংখ্যালঘু সম্প্রদায়ের কথা বিবেচনা করে সংগঠনটির নাম প্রস্তাব করেছেন 'জাতীয় মূর্দা সংকার এসোসিয়েশন'। নাম এখনো চূড়ান্তভাবে নির্বাচিত না হলেও সংগঠনটির মূল আদর্শ ও উদ্দেশ্য হিসেবে প্রাথমিকভাবে নিম্নলিখিত কয়েকটি দফা নিশ্চিত করা হয়েছে বলে একজন ডাক্তার (পশু চিকিৎসক) নেতা কর্ণফুলীকে জানিয়েছেন:

- (ক) স্বদেশী মৃত ব্যক্তিদের বা-ইজ্ঞতের সাথে যথাযথ নিয়মে সংকার করা।
- (খ) মৃত্যুপর সামুরাই যুগের জাপানীদের মত লোক ভাড়া করে বুক ফাটা বিলাপ করিয়ে মৃতব্যক্তির বাড়ীতে বিয়োগান্ত পরিবেশ সৃষ্টি করা।
- (গ) মৃত ব্যক্তি জীবিতাবস্থায় যে সুনাম বা প্রশংসা কমিউনিটির কারো কাছে কখনো শুনতে পান নাই, মৃত্যুপর তার লাশ বা কফিনের সামনে তার কৃতকর্ম নিয়ে দলবেঁধে পুঁথিপাঠ সুরে ব্যক্ত করা।
- (ঘ) মৃত্যু পথযাত্রী কোন স্বদেশী হাসপাতালে থাকলে দলবেঁধে আঙ্গুর, বেদানা এবং বিভিন্ন ফল ফলাদি নিয়ে তাকে দেখতে যাওয়া।
- (ঙ) ডাক্তার কোন রোগীর মৃত্যু নিশ্চিত ইঙ্গিত করলে উক্ত ব্যক্তির একটি সাক্ষাৎকার টেপেরকর্ডে ধারণ করে রাখা। প্রবাসে দেশী রাজনীতি করেন এরকম কোন বাংলাদেশী ডক্টর বা ডাক্তার নেতার সাথে শেষ দর্শন করতে চান কিনা 'আখেরী খায়েস' হিসেবে মৃত্যু পথযাত্রীকে মোলায়েম সুরে তা প্রশ্ন করা।
- (চ) মৃত্যু পথযাত্রীকে পাশে রেখে সংগঠনের কর্মকর্তাদের ছবি তুলে রাখা এবং তার পরিবারের জন্যে 'ছুটির ঘন্টা' নামে একটি ফটো এ্যালবাম তৈরী করে দেয়া।
- (চ) মৃতব্যক্তির আত্মীয় স্বজনকে বাংলাদেশে তার মৃত্যু সম্পর্কে অবহিত করা এবং প্রয়োজনে তার ওয়াছিয়ত অনুযায়ী দেশে লাশ পাঠানোর আয়োজন করা।
- (ছ) মৃতব্যক্তির সংকার অথবা জানাজা অনুষ্ঠানের ছবি এবং সংগঠনের নেতাদের বাণী সম্বলিত একটি ভিডিও প্রস্তুত করে মৃতব্যক্তির পরিবারে কাছে হস্তান্তর করা।
- (জ) মৃতব্যক্তির নামে, অবস্থা বুঝে, একটি বাৎসরিক 'পদক' প্রচলন করা

বাংলাদেশ জানাজা কমিটির মিটিং চলতি হপ্তায় পুনরায় বসবে বলে একজন কর্মকর্তা জানালেন এবং আগামী হপ্তায় এই নুতন সংগঠনটির আদর্শ ও উদ্দেশ্য তারা কর্ণফুলীকে জানাতে পারবে বলে বল্লো।

কর্ণফুলী'র এককুসীভ সংবাদ